



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), Skupština Brčko distrikta BiH na 34. redovnoj sjednici održanoj 17. oktobra 2018. godine, usvaja

ZAKON

O IZMJENAMA I DOPUNAMA ZAKONA O PROSTORNOM PLANIRANJU I GRAĐENJU

Član 1

U Zakonu o prostornom planiranju i građenju (Službeni glasnik Brčko distrikta Bosne i Hercegovine, brojevi: 29/08 i 18/17), u članu 95 stavu 1 tačka f) se briše.

Dosadašnje tačke: g), h), i), j), k), l), m), n), o) i p) postaju tačke: f), g), h), i), j), k), l), m), n) i o.

Iza dosadašnje tačke p) ovog stava, koja postaje tačka o), dodaju se nove tačke p), r), s) i t), koje glase:

- „p) postavljanje elektronskih uređaja za kontrolu i naplatu parkinga,
- r) postavljanje punjača za elektromobile,
- s) postavljanje saobraćajnih znakova, signalizacije i opreme na putevima,
- t) postavljanje javne rasvjete na javnim površinama.“

U istom članu iza stava 4 dodaje se novi stav 5 koji glasi:

„(5) Za postavljanje plastenika namijenjenih isključivo poljoprivrednoj proizvodnji nije potrebno pribavljanje lokacijskih uslova i odobrenje za građenje.“

Član 2

U članu 101, stavu 1, tačka b) se mijenja i glasi:

“b) zemljišnoknjižni izvod kao dokaz o pravu vlasništva ili pravu građenja, a za objekte infrastrukturnih sistema kao što su instalacije vode, kanalizacije, plinovoda, struje, raznih drugih podzemnih i nadzemnih instalacija, kao i pomoćne objekte koji služe tim instalacijama i odluka nadležnog organa ili ugovor kao dokaz o dodjeli na korištenje radi izgradnje trajnih ili privremenih građevina, pravu korištenja ili pravu služnosti na odnosnom građevinskom zemljištu”.

Član 3

U članu 106, stavu 2, tačka b) se mijenja i glasi:

“b) dokaz o pravu vlasništva ili pravu građenja, a za objekte infrastrukturnih sistema kao što su instalacije vode, kanalizacije, plinovoda, struje, raznih drugih podzemnih i nadzemnih instalacija, kao i pomoćne objekte koji služe tim instalacijama i odluka nadležnog organa ili ugovor kao dokaz o dodjeli na korištenje radi izgradnje trajnih ili privremenih građevina, pravu korištenja ili pravu služnosti na odnosnom građevinskom zemljištu.”

Član 4

Ovaj zakon stupa na snagu osmog dana od dana objavljivanja u Službenom glasniku Brčko distrikta Bosne i Hercegovine.

Broj: 01-02-450/18
Brčko, 17. 10. 2018. godine

**PREDSJEDNIK
SKUPŠTINE BRČKO DISTRIKTA BiH**

Esed Kadrić